

Kalaallit Nunaanni pinerluttulerinermi inatsisip allanngortinneqarnissaanut inatsimmut missingiutip (pinngitsaaliilluni atoqatiginnineq pillugu aalajangersagaq akuersissuteqarnissamik tunngavilik) Kalaallit Nunaanni Namminersorlutik Oqartussanit akuersissuteqarnissaa pillugu Inatsisartut aalajangiiffigisassaattut siunnersuut

(Aatsitassanut Inatsisillu Atuutsinneqarnerannut Naalakkersuisoq)

Akissuteqaat

(Aatsitassanut Inatsisillu Atuutsinneqarnerannut Naalakkersuisoq)

Aappassaaneerpeqarnera

Siunneruummut massumunnga Inatsisinut Ataatsimiititaliap peqqissaartumik suliaqarsimaneranut Naalakkersuisut qutsavigiumavaat.

Ataatsimiititaliap isumaqatigiissup siunnersuut isumaqataaffigimmagu Naalakkersuisut nuannaarutigaa, siunnersuummi Inuttut pisinnaatitaaffinnut Instituttip qanittukkut nalunaarusiaani tamanna inuttut pisinnaatitaaffiit eqqarsaatigalugit siuariarnerusoq allaaserineqarpoq.

Kikkut tamaasa angussagutsigit, paasititsiniaaneq inuusuttunut inersimasunullu sammitinneqassamat, Naalakkersuisut isumaqatigaat.

Piffissaq ungasinnerusoq eqqarsaatigalugu amerlanerit eqqartuunneqarnissaat anguniarneqanngilaq, kisianni inuit amerlanerusut inuttut killissarititanik ataqqinnilernissaat anguniarneqarluni, taamaalilluni naapertuilluanningsuliernerit pinnginnissammata.

Taama oqaaseqarlutik allanillu oqaaseqaateqartik Naalakkersuisut siunnersuutip aappassaarneqarnissaanut tunniuppaat.